

Segun Anthony Muyale di Cheers Cafe Bistro...

DEN AMBIENTE

MARUSKA CROES QUEEN CHEERS CAFE BISTRO LO TA ARUBA SU REINA DI CARNAVAL 1996...

** "Mi ta hinka mi man den candela pa mi Reina MARUSKA CROES! no tin awa pa laba! e aña aki e corona di Aruba Queen-Carni-

val 1996 lo ta absolutamente di CHEERS CAFE BISTRO", asina sigura e gentil gerente di e prestigioso y agradable Cheers Cafe Bistro a expresa

na DEN AMBIENTE.

Anthony ta sigi expresa; "E motibo cu mi ta sigura bo esaki Jan Poets, ta debi cu e mucha muher aki ademá di ta elegantísima y cariñoso, e ta un Reina SUPER INTELIGENTE"!

Riba e pregunta con e show di e aña lo ta? Anthony a declara; "Jan Poets, bo sa masha bon cu ora Cheers Cafe munda un Reina pa un eleccion di tal indole asina, ta "all the way" nos ta bay y e biaha aki nos lo bay paralisa henter stadion di R.C.A. ora cu Maruska Croes presenta riba stage".

E Reina di Cheers Cafe Bistro Maruska Croes, kende actualmente tin 18 aña di edad, estudiante den klas E-22 di Colegio Arubano, mes a muestra masha entusiasmo y optimista pa su representacion di Cheers Cafe Bistro pa e corona di Aruba Queen Carnival 1996.

Maruska Croes di signo aquarius y cu su hobby ta futbol di sala, a declara na DEN AMBIENTE cu e ta masha orgulloso di por representa Cheers Cafe Bistro y ta sumamente agradecido na e tremendo cooperacion y

trato cu e ta ricibiendo for di e dinamico joven Anthony Muyale.

DEN AMBIENTE ta desea e simpatica y super

interligente Reina di Cheers Cafe Bistro MARUSKA CROES y tambe Anthony Muyale hopi EXITOOOO.....



** Maruska Croes Reina di Cheers Cafe Bistro...cariñoso y super inteligente...e por ta E proximo Aruba Queen Carnival 1996 ??..



** Check e cara di Anthony Muyale den un pose totalmente sigura cu su super elegantísima Reina di Cheers Cafe Bistro, Maruska Croes...

RONZZIO A HABRI SU BOUTIQUE NOBO 'MUCHO MACHO'...

** Ayera tardi e popular maestro diseñador Ronzio de Cuba a habri su boutique nobo "MUCHO MACHO". E boutique aki situa den Caya Betico Croes net banda di R.Z Boutique, lo ta especialmente pa hende homber di tur gusto.

Ronzio durante un combersacion cu DEN AMBIENTE a declara cu e ta convenci cu "MUCHO MACHO" lo bira e boutique pa bisti e homber di bon gusto na Aruba.

"Esaki ta un boutique especialmente pa e hende homber, cu lo trece dilanti un versatilidad inmenso di estilo y gusto pa tur e machonan di Aruba", e popular maesrto a expresa na DEN AMBIENTE.

Pa e ocasion especial aki tabatin un modeshow cu e modelonan exclusivo di Knock Out Agency, kendenan a presenta e colleccionan cu e boutique aki ta ofrece.

DEN AMBIENTE ta desea Ronzio hopi exito cu su boutique nobis nobis "MUCHO MACHO", cua sin duda lo bay pone un style "deffinitely" pa tur e "MACHONAN CRIYO" di Aruba...

